

南部詩集三編

柳田文庫
文庫11
A1146
5



文庫11
A1146
5

南郭先生文集三編目錄

卷之一

擬古樂府三十首

五言古詩七首

七言古詩十二首

卷之二

五言律詩百十八首

五言排律五首

卷之三

南郭先生文集三編

目錄

半澤文庫

柳田泉文庫

卷七言律詩百五首

卷之四

五言絕句三十六首

七言絕句百三十四首

卷之五

序十一首

卷之六

序六首

銘三首

說二首

卷之七

記三首

世家一首

傳一首

卷之八

碑五首

墓誌一首

墓碣七首

南亭集三編目錄

卷之九

祭文一首

引一首

讀一首

題跋十五首

卷之十

書牘三十首

南郭先生文集三編目錄



南郭先生文集三編卷之一

平安問答服元喬子遷著

東都熊元朗華玉輯校

擬古樂府

秋蘭篇二首

玉池澹以清，鴛鴦且徘徊。池澤多芳艸，秋蘭秀芬哉。
秋露日夜下，秋霜恐將摧。歷時尚可采，願待君懷開。

王孫遊

去歲秋草萎，今年春艸生。春艸行復爾，知君不歸情。

子夜秋歌

兩情褰帷看，眾星滿秋河。儂自似明月，不似歡心多。

隴頭流水歌

流離隴頭水，肝腸久斷絕。丈夫死曠野，欲咽復卷舌。

大道曲

大道諸女兒，一伴桃李春。相逢金絡馬，不避公子塵。

襄陽曲

襄陽漢水東，騎馬訪耆舊。借問行歌兒，誰家堪置酒。

春江曲

岸近生芳草，坐看江水隈。春潮夜夜滿，不肯送郎來。

大堤曲二首

楊柳大堤東，江流侵岸通。堤下繫青翰，堤上繫青驄。
春草大堤西，王孫歸不迷。樓頭少婦坐，看送怨萋萋。

潮來詞二十首 并序

甲子春遊鹿島，舟下刀禰，行聽款乃，聲調楚哀，頗有情致。問之，則云潮來所歌。潮來常南地名也。既自鹿島歸，舟歷其地，就見臨江數百家，多倡妓俗雜，日夜相聚遊戲，蓋東控海，西通都率。

鹿島

多水漕之利魚鹽之饒商旅所湊亦江東一都會也其謠大類吳歌嘗讀樂府遺篇吳聲歌曲及西曲諸樂想見六朝謠俗之態其聲雖不可知以今視之士風詞情蓋可知也又感劉禹錫聽竹枝之音乃雜擬江南諸樂府比作此詞二十首因記舟行興寄聊亦自玩耳

不見東流水歸舟西曲流潮來風且逆有時不自由
可憐洲裏鳥兩兩浮江水日見不識名指顧問客子
門前倚獨樹鬱鬱掩江涯為是苦心多春來不著花

浮洲

浮洲沙作岸離斷在江心不是關出沒潮來自相侵
聞說東都春華麗簇豔姿青樓百餘尺憐歡知是誰
橐中剪綵段錦綺固不一總為郎心中斷不成匹
海門波浪險海舶警投津今春聞歡至默禱拜江神
大舸迴東海幾日發仙臺可憐通波浪載歡猶能來
共言鈿子浦諸豔更繁華惡聞諸估客此來動相誇
云自鹿洲返躑躅祭成霞郎目自易移何似此地花
鹿洲孤石根底深難可測淺見我郎心那能知儂臆
來稀往何速知郎憶儂非今朝風浪惡能更放舟歸

鈿子浦

為歡畏江寒，不惜脫衣新。經新後為故，恐不常著身。
風流能已歸，風流能更至。只任郎擔篙，不關他人事。
大堤數株柳，不繫歡舟歸。空餘惱人色，不似儂依依。
江春二三月，狂風捲柳絮。從他江水流，莫誘持春去。
草草作書信，臨江曲曲多。心長言不盡，且封寄流波。
江水終歸海，取實何必華。兩心同可保，那問不成家。
今夕侍郎宿，相携到水頭。娥眉妬新月，小背眄江流。
潮來歡復來，來數兩不厭。共唱潮來詞，相憐此調艷。
五言古

人日登臺

城南有高臺，乘春且登臨。春風吹萬物，光澤動園林。
况逢人日嘉，繁華自可尋。宮觀何鬱鬱，闐闐麗城陰。
車馬多貴客，歡娛愜賞心。剪絲競相贈，竒巧直萬金。
顧此應和氣，蕩滌開懷襟。寄言幽谷鳥，亦應改好音。

答田彥愛二首

秋風摧庭樹，白露復為霜。感此變衰候，中心坐悲傷。
鴻鴈碣石來，遠過濱海鄉。為我傳尺帛，中有相思長。
故人憶在昔，旦夕金門傍。冠佩何委蛇，司直稱賢良。

不意浮雲變沒迹，天一方時物怙春和。夕日回朝陽，且勉爾遯志，願復愛景光。

故人從遠方，遺我蒲萐席。清潤冷且柔，殊勝錦與璧。歲晚養吾老，偃偃枕藉臥。見秋雲馳感，念江湖迹一席，尚可卷我心，不可釋此物。出君手，永言護愛惜。

停雲館集分體

侯家公子館園後，共燕嬉。座客何多才，歡笑相追隨。詩賦與絃管，高歌寄妙詞。金樽玉盤饌，杯行亦不遲。青松列庭樹，朱實間離離。對景知歲寒，復感日月移。

蟋蟀刺過儉，娛樂貴及時。况兹良宴會，千秋以為期。

雜詩三首

挺挺園中樹，鬱鬱生華滋。涼風西北來，凜凜日夜吹。枝葉漸摧落，榮色復且衰。幸有託根固，生養澁不移。陽春回德澤，繁殖自有時。人生一以死，去者將安之。水流不返源，枯桑不生枝。非復少壯日，老大當憑誰。年暮常懷憂，耿耿臥牀幃。永夜漸已旦，且復起攬衣。日出東城隅，行露隨時晞。聊過友人居，良會偶相依。伐木賦黃鳥，友生同翻飛。坐有絃歌曲，誰謂知音希。

斗酒固不薄，肴饌豐以肥。顧我勸舉杯，為我解憂慙。
今日樂相樂，心歡不可違。問我何所苦，徒誤百年期。
請君今不醉，奈此桑榆輝。

湛湛赤羽水，涼飈起河梁。送子多親友，悵悵淚沾裳。
浮雲何奄忽，遊子歸故鄉。故鄉雖可思，交歡安可忘。
相顧東都會，第宅滿路傍。竒麗百餘尺，誰不上華堂。
況我狂簡士，各自成彩章。臨此携手岐，酒酣共彷徨。
努力貴不棄，壯志愛年光。隨時重蹈海，東路不為長。

七言古詩

秋夜送別

置酒張燈夜送客，高堂一會暫同席。趙瑟秦箏催舞
姬，萬錢之費那應惜。但願今夕為君長，鐘漏近人何
促迫。酒酣移坐月臨階，林風吹葉秋蕭索。為道關山
匹馬難，且憂書札孤鴻隔。忽聞門外驪駒嘶，離情惻
惻東方白。一宵歡宴把袂分，杯酒未醒成疇昔。去留
相看涕淚流，古來誰不悲行役。

中秋桂花樓飲今夜未卜陰晴

桂花樓上待月明，桂花正開酒復清。清酒百壺先已

醉朦朧未下夜陰晴聽來松濤驚雨度望盡海雲疑
月生天上元近桂花樓人間誰知此日遊賦月賦風
多興到為雲為雨皆風流但願年年飲美酒長此相
期明月秋

畫龍引

君不見南宋牧溪僧畫先筆力壯快至今傳墨龍之
跡最生動神理兼存五百年又不見海雲上人緇流
豪禪餘遊藝功亦高嘗技畫龍聊騰寫與真無二沉
毫毛展開咫尺大雲垂天門噓雨墨淋漓中有靈快

之神物雷電晦明看鬚髯岐角竦鱗隨勁筆草成信
手何真率鬼眼深似牖中窺阿堵一點黑如漆體毛
簇簇削劍峰駮鬣直從肉中出九似三停何必論出
沒雲煙變未畢乃知五百年來上人繼此道亦應稱
命世笑他葉公好未深吾愛真奪天龍勢只恐風雨
擘壁間雙飛時不可復掣

秋夜長

秋夜長長門宮裏夜如年錦衾瑤席共誰眠展轉不
堪心緒亂且起徘徊玉階前玉階憶昔君王宴花朝

月夕合歡殿只今唯伴寒螿鳴春去秋來顏色變中
天懸月為誰明思君未光安得見心緒亂何時旦秋
夜長兮斷人腸愁莫長兮秋夜長

烏石齋中七物分賦鐵如意

鐵造如意何所似膠首蛻身黑龍是晉代之物風流
存烏石山人愛兼此青蘿館上白綸巾赤水溪邊烏
皮几瀟洒相得不惹塵雅客尋常盈坐裏主人秉此
一清譚名理千言吐纏纏更見善書兼善詩譚闌聊
試主人技一掃雲煙落筆端舉坐爭珍稱雙美墨雨

淋漓猶未乾兼此風前鎮繭紙不用豪態碎珊瑚未
論壯心擊玉壺主人從來無長物滿堂休問財有無
為報衆賓且安坐祇應此處譚玄珠

莊子謙遊芙蓉圖歸同題作歌

莊生換骨試仙才飄舉芙蓉玉女臺環海纔分半夜
日天門且倚北斗魁摩挲絕頂如憑式俯瞰旁頰似
覆杯拍然一笑天地小齧雪餐冰信宿回躬覽縮地
作彈丸為我攜歸指掌看石室之祕雲臺錄帶來灝
氣至今寒君不見芙蓉萬古奇誰敢窺其極天下文

章高莫高知君超然亦此得

停雲館歌奉贈滕公子

城西邸第接霄漢中有風流公子館館中公子富文雅不事鬪鷄兼走馬七步賦詩臨淄侯三調吹笛桓子野絃管文章日會友詩成交涌如泉酒酒酣一曲公子吹律呂密櫛奮繁手已聞五月落梅花更奏四時折楊柳聲聲上干咫尺天坐客相看皆矯首丹鳳城頭五色分慶雲帶日且紛紛有客稱觴向公子請號此館曰停雲更申將來千秋祝長遇青雲倚氤氳

早雲寺

早雲寺覽古

臺殿松杉入空翠巋然獨存知何寺云是黃金長者園唯有青苔布滿地古木森森歲月長野人為說全盛事綺羅春殿舊時花墓草碑苔冢累累空伴名號列五公剝石一看皆涕淚憶昔永正元龜中天下車書久不同萬邦瓜剖相吞滅龍戰虎爭誰不雄就中勃興北條氏一朝割有海沂東累世子孫功業繼八州草土共偃風大城列峙精兵饒晝環金甲夜鳴弓氣籠山嶽風雲起勢捲波濤江海通何意中原出霸

北條

王一旦長驅入封疆石垣山上臨闔境震擊天雷不可障計窮面縛悲瓦解城池社稷共喪亡即今四海日月新此地為餘供香人關門行路通大嶽弔古且過溪水濱野店山橋無情甚往來屢送馬蹄塵

讀萬公終期詩詠歎作歌示烏石山人

江陵遺集傳可知果然天地一部詩放歌金石聲為律絕世空門無此師披篇千變將萬化豪端幻出一何竒漢唐宮闕坐氤氳亦似清都儼架雲鳳彩龍章看五色衣冠旌旆盡成文栢梁天子分辭賦侍臣丞

相大將軍將軍舊領漢家兵號令分明鳴鼓行鐵騎鏘鏘汗馬走宛如陣雲掩敵生又見婉態閨秀似糝出傾城妖冶子柔心嬌面鏡中花花鳥傷情寫得是一掃倏然長嘯高何來天籟飄風號變態無窮草木怒更疑大海起波濤風濟還觀明月孤山堂依舊靜江湖色相片雲無一點相照偏懸不夜珠握中大寶如車輪此師運轉盖有神魑魅魍魎供驅役陶鑄况復古今人觀音大士多即現天部龍部宰官身世俗眼花易眩亂誰知隨處不離真

觀芙蓉圖引

平生數見芙蓉圖，俗工衰落氣韻無。雪舟方外遊墨戲，芥蒂乾坤吞海隅。海雲上人騰竒迹，壁觀嵒嶠名山孤。上人顧指為我說，維昔雪舟舟載雪飄飄。遠航滄海西壯遊，燕京探竒絕名達。明庭引見催大國君，臣宮殿開命畫春卿署中。壁筆下生動春風，回闔國衆工無儔匹。滿朝嗟賞妙絕哉，更為明人寫神嶽座上。敬馬見金銀臺秦漢昔嘗漫相覓，始知日本是蓬萊。鐵冠道人詹仲和作詩瞻仰意頗多，但恨名山與名

筆歷倒不足，幽鬼我此圖。何人攜得傳，歸本扶桑日出邊。名画通靈如蟬蛻，即今此土追飛仙。南郭野翁蹶然起聽此，斂容暫瞪視由來瀛海五雲中。窟宅神仙長不死，峻極更有真芙蓉。彼國之人能知否。

古瓦硯歌

烏石耽書及瓦石，顛狂不減南宮癖。缺瓦一片得之多，賀城古迹贈我之情一勝黃金與白壁。即成圓硯觀甚竒，因形不假巧刻畫。草堂日永向晴窗，妥帖閑對竹書籍。土塊千年偶爾存，使我悠然感往昔。昔時

多賀城古瓦

奧東雜外荒島夷北連大小貊羯祗未懷王化仁牧
馬時來窺塞柵朝議增築多賀城鎮府長思安邊策
大野將軍戰畧多偏裨并擊揮戈戟懲戎更徵諸道
兵屯戍此地備征役從是聲教漸海沂列世相承疆
益闢當今昭代百餘年萬國來朝執玉帛奧州東海
表大風冠帶並封公侯伯今日寰中成一家除斥邊
關永不隔吾儕高枕樂有餘至老未曾知兵革養拙
筆研憐棄才此物雖微可愛惜遭此堯衢擊壤時鼓
腹作歌忘頭白

小督

小督詞

漢宮明月為誰悲中夜君王有所思帳外無人簾未
下金殿沈沈玉漏遲忽向階前召當直御史中丞臣
仲國寵姬小督逃宮中死生朝野無消息如聞潛匿
在西郊密詔今宵行物色垂淚慙慙授賜旨履龍且
給黃金勒御前直赴長安西潑夜行行驄馬蹄野草
茫茫人寂寂月下揚鞭且不迷算門圭竇多相似何
由妄意識幽棲憶昔合歡宮裏宴叨將吹笛充時選
一時合奏寵姬琴名媛妙聲誰不辨今夕姬人對月

明定知彈寄思宮情西落東村秋一色唯聞唧唧
蟲鳴最後鬢髮龜山下初疑風韻入松聲徘徊稍覺
變商調送得長風怨且清按徵復揚還幼妙貫歷中
操次第生已辨當年纖手絃分明一曲想夫憐昭君
遠嫁楚妃歎孤鶴漫漫翼隔天認得柴門叩戶扃戶
扃不啓琴聲停良久侍兒開半面推前推戶立開庭
傳詔天書使御史且報宮中合奏事自君不見九重
愁宸襟憂鬱寢宮裏願得親自承君言歸朝取信奏
天子主人奉此心竊泣謝使先贈錦袴褶踈簾風淺

深閉難月露熒熒近欲濕素書細寫久遲疑徐起隔
簾前致詞妾身謬受君恩重欲陳噓歎雙淚垂葛藟
從來依庇蔭私侍深宮人不知姬姜滿殿憐憔悴管
蒯盈筐恥麻絲太液泛舟觀月夜上林陪輦賞花時
誰料疾風吹且暴草微力弱畏先掃浮雲鬱鬱雷殷
殷白日天恩終不報螻蟻那惜此身已恐將妾故累
君王自棄唯甘妾薄命零落草茅長潛藏為我還聞
聖天子千秋萬歲愛朝陽車馬迎來勿復問明朝且
作北山霜

南郭先生文集三編卷之一

南郭先生文集三編卷之二

平安 服元喬子遷著

東都 熊元朗華玉輯校

五言律

歲杪霞關集

霞關停落日何處歲年闌車馬如流水城池少暮寒
朱樓臨紫陌美酒雜芳餐為是金門侶仍憐避世看
送倉孟隣還京兼寄芥元章

行色慙相過蕭條五柳間別難何以送歲晚不堪攀

過平

故國多詩思，春風解客顏。更知洛生詠，擁鼻待君還。
赤羽春行

赤羽含青甸，人烟接野晴。宛橋懸日渡，曲水送春生。
鳥嘒詩腸動，花開醉眼明。病夫堪試步，且望酒旗行。

草堂春興五首

草堂聊寄身，起臥幾回春。樹長稍來鳥，竹繁宜避人。
自忘雙鬢短，復對百花新。欲問棲遲意，風光赤水濱。
陋居供草樹，繞舍足春風。世事三杯酒，吾生一畝宮。
巷門依水北，車馬隔橋東。醉後灌園地，堪容抱甕翁。

長酌牀頭酒，乾坤醉裏殊。心應忘隱几，境似寄懸壺。
一室餘牆壁，名山臥画图。且從春睡興，白日到清都。
惟昔求南畝，于今臥一堂。歸田詞賦在，抱病歲年長。
客逕迷新草，燕泥尋舊梁。鄰翁休避寵，墨突久相忘。
堤花隨曳杖，岸柳傍過橋。日落春愈永，水流心自遙。
月來猶坐石，夜久復迎潮。歸路柴門近，無勞叩寂寥。
惜花

風花看可惜，杯酒轉相親。傍舞憐如雪，隨歌奈逐塵。
雷期良夜宴，行值幾時春。縱有明年色，堪爭白髮新。

送吉蘭臯歸薩摩

九州環海盡薩國，逖封疆分野連南極。歸舟向大荒，
文書同一軌來往。易殊方，猶愛朝陽色。重期附鳳翔。

愛松

雖非嘉樹賞封殖，撫庭松蓋暗疑棲。鶴鱗成穩臥龍
根，祇供自愛礫。碩謝先容宜在淡山裡，相憐爾寄蹤。

齋前小景

海嶽思千里，庭階落一途。坐收玄度勝，可代少文圖。
峰勢陰陽在，溪流咫尺殊。面前移木石，何似北山愚。

繪島

病起過雲夢先生

試步當行散，踟躕過北門。形神親濁酒，羸病禁清言。
樓上豪稍下，樽前狂且存。遇君開勝日，招得許多魂。

再遊繪島留別諸君

曾經尋繪島，不厭到滄洲。起病觀濤興，忘歸遵海遊。
會當酬壯志，何必動離愁。倘得驪龍窟，濯珠千丈流。

總州夜泊

歸路渺悠哉，泊舟滄海隈。東南邊地盡，房總大荒開。
岸暝人烟遠，潮高月色來。搖搖聽波響，一夜客心摧。

游曇海上人居

曇公蓮社室更愛結詩盟客至花將落心閑鳥不驚
塔峰含雨出院樹近雲平清味杯還厚應憐漉酒生

雨後看月

夕齋開舊雨夜月上新晴臥客還堪起棲鳥忽欲驚
星河餘潤沒露葉受光生一盡孤雲障偏懸萬里明
對坐忘亭夏集得寒字

晚日開園後池亭暑色闌波侵湘簟淨風引楚臺寒
醴凍凝銀椀膾絲鮮玉盤坐忘名自有堪接布衣歡

六月盡得雨涼甚

園林六月雨一洗早涼歸中道捐紈扇終朝冷葛衣
流年心已半獨坐髮愈稀炎熱將淒切看堪覺昨非

中秋成章新館賞月

公子開高館西園分月光主賓同照坐狂簡各成章
玉樹垂階露桂花浮酒香家家絃管夜何處賞心長
桂花樓翫月得棲字

稍知天府近樓上桂花低還愛占秋處高疑與月棲
飲時餐作玉盡夕醉如泥河漢明中沒客星醒欲迷

九月一日成章公子集猗蘭侯臨宴

侯家臨館宴公子授餐遊章自成詞賦坐堪充膳羞
漸催黃菊節仍惹桂花秋誰念陪酣醉帽風吹白頭

秋郊

西風吹曳杖郊樹繞荒籬場曝懸秋日村春急晚時
山田收半盡野水縱相移自有行吟趣不關搖落悲

送呂元丈携令子歸省勢南

南海開裝橐北堂安老親不須懷橘熟堪視掌珠新
秋色多喬木鄉音有故人定知方醞酒計日倚門頻

九日遊山寺

尋趣人家外登高山寺秋嶺楓攀院樹野菊摘溪流
色相空中坐風雲心裡休東林携酒處應許白衣遊

歲暮集得前字

一杯林下酒何必讓諸賢醉後紅顏是生涯白髮前
風烟含暮景草樹入流年勿問明朝事寧無春可憐

猗蘭臺適室飲

新促高堂坐聊開小戶通天寒冥卜夜松近可聽風
樽酒三盃後芝蘭一室中不妨吟擁鼻醉與謝公同

江雨送客

相送大江雨，歸舟別恨深。北風孤鴈影，南浦美人心。
蓬露連寒色，樓雲落暮陰。似爭紛泣淚，轉更欲沾襟。

山居晚眺

幽坐山中夕，茅簷落日沈。聊試鳴琴響，獨聞流水音。
林木秋愈近，烟霞晚自深。遙看樵唱下，愛汝白雲心。
穀日登倚蘭臺得霞字

高臺人日後，登望轉無涯。官柳歸春色，城雲靄暮霞。
流鶯百轉近，回鴈數行斜。處處年芳速，堪辭勝裡花。

春郊晚歸

夜色青郊路，草芳塵自稀。橋花過馬住，野鳥背人飛。
負郭開餘彩，高城半落暉。孤雲閑不散，回首愧催歸。
霞關公初度席上得青字

城門車馬外，歡宴自相停。稱壽非今日，論文復此亭。
回風涼雨白，返照暮雲青。天近何須怪，從來數聚星。

送塙生從莊內侯上日光山

駿奔嚴太廟，元祀命諸侯。好去從公邁，兼堪壯爾遊。
寢園千騎衛，山嶽五雲流。儻拜升天路，寓觀初日浮。

日光山

梅雨新晴集飲懸壺樓得長字

黃梅收濁雨，白日掛清陽。樓敞知壺別，樽盈愛酒長。
下餐疑玉屑，療渴冷瓊漿。市上神僊隱，故應開醉鄉。
秋日送觀了上人從大僧正察公駕之西京

華頂山

華頂期趺坐，乘車行且休。雲迎禁闕紫，日駐名山秋。
上足推尊者，三衣會比丘。指揮如意處，助法倚中州。
中秋小雨待霽得風字

良夜雖常賞，仲秋殊不同。終朝雲雨後，明月有無中。

留客偏期夕，停杯坐待風。高樓天際想，勿使霽光空。

送人歸隱西京北山

行矣隱君子，北山存舊蹊。遙憐明月夢，獨與白雲棲。
空谷人將老，生芻駒不迷。京師元自近，莫厭夜猿啼。
至日小集得湖字

良辰佳客興誰料，到江湖不獻青雲履。還探赤水珠，
簷南迎日至，霜後對松孤。曝背元難勸，請傾濁酒壺。
桂花樓雪後得春字

樓上桂花後，攔前雪色新。晴光留似月，寒樹散開春。

園值游梁客舟期訪戴人但羞歌未和偏愛酒相親
弔芙蓉萬公舊居二首

萬公結廬地舊徑鳥空飛雙樹春風外孤燈白日微
但餘相識淚難濺屈昉衣別有明珠色何鄉繫得歸
簷外芙蓉雪悵然春霧中孤高徒想像具相入虛空
只憶歌相和何論道不同頗知微笑好翰墨亦無窮

花集得新字

芳園似召我風日報良辰且喜年華改應開臈酒新
花濃杯有色草穗坐無塵醉倒休相笑聊忘老後春

屈昉

首夏松前氏西莊得青字

林苑宜初夏相携問野亭鳥鳴芳未歇日霽樹愈青
對境慚詩拙當風任酒醒看山閑暫得何似白雲停
飲水大夫館舍得東字

白日朱門裏彩雲瑤闕東家樓臨市敞公館拂塵通
堪盡平原飲兼知楚國雄披襟綠勸酒似借快哉風
江樓待人不至

落日南樓晚佳期不可尋江流含渚白海岸控潮深
難逐山陰興誰知濠上心望人徒倚憶得謝公吟

江東龍松院客舍同送庸公歸南都得秋字
門前臨墨水精舍客來遊支道無嫌馬圖澄且愛鷗
偶逢諸彥會忽送大江流不隔南都月願同東海秋

晚涼

晚雨過高樓登臨徂暑收小鈎雲月上大火漢星流
從此江湖興不須河朔遊涼風纔可愛莫使易驚秋

秋扇

秋風憐漢扇明月掩齊紈一去忘炎熱爾來稀合歡
短歌瑤瑟怨長信玉階寒并與西宮樹吹催日夜殘

無恙外 晚翠亭得間字

新松含晚翠楚楚小亭閑洒掃分廷內風煙落苑間
誰憐將白髮並坐映酖顏亦是山公醉應期酖酖還
客夜聞雁

秋夜

洞庭停棹處一夕雁聲分誰寄數行信徒驚孤客聞
秋風悲去國夜月感離群明日扁舟子復隨湖上雲
獨夜秋何永愁人夢已難覺來方寂寞起坐倚闌干
樹落風猶緊雲空月自寒短衣感寧戚終古一漫漫

搗衣

聞得催刀尺，不關閨裏深。秋風吹翠幌，夜月切寒砧。
難入征夫夢，偏摧思婦心。總遭霜露迫，謾作斷腸音。

送仲英歸省畿南

風厲歲云暮，促歸遊子心。故山南木在，臘酒北堂深。
父老欣無恙，田園自可尋。一經將爾業，持贈勝千金。

歲暮飲滕侯松齋得家字

即見朝陽映，安知暮景斜。齋高隣鳳閣，松古似仙家。
無恙終年酒，復期來歲花。憐吾霜鬢白，尚伴鶴齡遐。

南木入楠

春風前兒所愛，猶死山川自有思。玄頰亦感衣衣靴。

多日馴兒弄，小年哀汝生。每分甘食少，只傍懶眠輕。
愛入衾裯夢，恩傷帷蓋情。更憂穴牆者，從是夜縱橫。

早春晴望

江海青雲遠，風光白日開。郊行聊曳杖，野望復登臺。
稍待新花樹，先含濁酒杯。為憐春色改，遮莫老年催。

送曇海師之峽中說法

峽路凌空上，應觀不住心。蓮花一嶽白，山勢孤城深。
珠捧龍王水，坐開獅子林。慧休舊來好，更有碧雲吟。

遙題流水園寄答瀧彌八

天涯命知已不隔伯牙心為想開園處似聞流水音
代耕五斗米寄傲獨絃琴生事儒宮裏誰憐一畝深

訪義海上人房

義公禪寂境驚坐訪繩牀地籟過林歇天花著樹香
清言憐許掾文雅屬支郎總為閑雲住相看白日長

送岷江師之京乞賜黃之命

長安元不遠彈指上西天衣就黃扉色珠明白日前
春風隨杖屨佳氣繞山川自有思玄賦亦應方外傳

支郎

春日訪友人郊居

重來訪故人不必問前津郊路緣流水桃花認舊春
黃墟開酒是青草助詩新坐愛林塘色未承城市塵

送河內晁大夫歸小山兼示宮生

詞賦見風流淮南桂樹稠來朝東海日歸倚小山秋
製錦分天漢操琴臨郡樓登高大夫事更喜有從遊

送長門津書記從公歸國書記先已見訪且有贈詩因和以為別三首

千乘須書記翩翩倚馬揚行隨金節色春動彩毫光

上路迎花宿東風送旆長還應多壯觀遵海入封疆
憶昨攜佳興吟詩問早春草廬猶臥雪高徑始迎人
酒偶恥餅罄谷徒供鳥新自君求侶切此意至今親
大府長門客時時抱寶來楚材通晉國趙璧壓秦臺
共枉相思駕誰堪送別杯歸鄉傳故舊為報佇重陪

悼兒恭四首

看汝製新衣應期伴浴沂猶餘春服是豈意素牀非
三月行將暮孤魂去不歸生涯都已矣非獨賞心違
不知花日過零落已蕭然雙淚春風後孤雲夜月前

明珠從汝失老蚌有誰憐空手悲吾道何依送暮年
篋中千萬字抱卷泣無言點淚皆成血逐行愈見痕
筆新年月近業遍精神存朝夕關吾事不須招爾魂
吾家衰薄甚安得有佳兒稱汝謬千里過駒忽一時
春芳終不實老樹慘無枝病婦憐微命將來定似絲
陪飲猗蘭臺新成書堂得如字

堂皇連後苑樹石靜前除風韻琴相似泉鳴玉不如
新開百壺酒更徙五車書道術相忘久寧論濠上魚
白雲菴避暑得遊字

萬松分一徑，溪占白雲幽。禪室頓忘夏，淒風不待秋。
蟬高林葉響，溪冷石泉流。避暑喧兼避暑，采真同此遊。

飲猗蘭臺

入室元同臭，登臺更似蘭。坐高宜避暑，饌盛喜陪歡。
況已如澆酒，可須承露盤。誰知城闕外，此處醉中看。

七月十五日登海邊樓得四豪

七月懸明月，先觀海上濤。天分三五望，樓倚百尋高。
坐欲凌霄漢，誰當借羽毛。元龍仍意氣，自笑未除豪。

和答懷仙先生早春集見寄懷

此日望仙閣，春雲隔太清。引來鸞駕侶，吹落鳳笙聲。
天際疲心想，人間使耳傾。餘音入寒谷，忽覺少陽生。

和答子式早春集懷仙樓見寄懷

春入高樓會，飛昇白日遲。金莖承露處，珠樹欲花時。
自有遊仙曲，更兼招隱詩。誰憐從地上，位業一相思。

同前和答稷卿

樓閣凌霄宴，何妨屢舞遷。謫來天上客，醉作酒中仙。
病臥青春外，心馳絳闕前。想君雲裏態，聊和步虛篇。
春日江樓宴別得長字

南唐集三編 卷之二
江樓此時宴別意傍年芳春日開春酒故人歸故鄉
情搖舟楫迫心結柳絲長歡賞看將去臨流易斷腸

春晴

高樓攜酒處千里入新晴宮樹青雲近人煙白日明
三春多雨恨一醉此時情早被風光惱花開滿洛城

綠珠怨

珠翠如無色涼臺白日昏繁華還一夢身命報殊恩
墜地先秋樹為塵在後園狂風吹不轉願此結幽魂

子規啼

直置腸欲斷子規啼濕衾聲聲紅淚落夜夜血痕淡
唯入空閨夢難催歸客心江南春已歇誰念衆芳沈

送金山師赴京訪西山禪友

雲遊輕萬里飛錫指天涯好去無為客由來不作家
朝乘滄海日春及洛陽花若問西山侶應分一片霞
夏日桂花樓飲得泉字

樓居誰到此縹緲接神仙名倚月中樹坐開壺裏天
晴霄涼似水終日酒如泉長夏時堪愛清風玉檻前
夏日遊玉川五首

玉川遙不迷，壺酒正堪攜。仲夏園林淨，前村徑路齊。
已看流似練，且望樹如薺。到得先開飲，班荆就大堤。
城郭西河水，尋源一帶長。初疑到銀漢，兼似濯滄浪。
境絕塵纓色，波揚彩石光。古歌傳調布，白紵曬如霜。
沙石真成玉，清流愛此川。淺深皆見底，湍瀨不作淵。
河潤連平野，舟漕控遠天。縉雲還未熟，相浸媚江煙。
誰言譏遠地，來此命觀漁。我輩狂應爾，王侯貴不如。
酒帘謀野老，膾具問村居。隨意葦航去，無勞嘆企予。
長夏恨難永，川光入落輝。酒酣留醉石，魚過冷漁磯。

鼓枻應歌去，洗盤催詠歸。方流誰探得，玉水記人稀。

早秋遊少林院得秋字

塵事忘徂暑，禪林入早秋。逆風香樹散，迸水石泉流。
山雨隔溪過，峰雲臨野浮。共乘昏黑興，更作上方遊。

杪秋登報恩寺

上方高落木，蕭寺試登臨。秋色連雷澤，風聲渡鷺林。
偶緣幽意得，稍似白雲深。醉後題詩處，須論世外心。

歲暮慧眼院集分心字

遠公容我輩，隨意入東林。蓮漏移時久，松扉愛夜深。

版橋

無妨狂飲酒，相得縱論心。雨雪催何處，不知年歲沈。

早發版橋

曉發版橋驛，迢迢遠北門。山稀看日早，草短履霜繁。
行李臨東道，長亭徑大原。離家還未幾，遊子易銷魂。

哭雲洞上人

一朝纔現病，寂莫竟無言。徒憶猶交臂，那知不返魂。
紛花餘雨淚，慘樹變春園。翰墨平生好，獨觀神理存。

首春霞關集分得杯字

霞關披錦繡，佳氣倚樓臺。苑樹催春早，城雲捧日迴。

烏啼疑勸酒，人醉更銜杯。俱愛風流侶，年芳復此來。

陪猗蘭侯于銀臺山莊得林字

地主為幽襟，到來丘壑深。銀臺遙增色，琪樹別成林。
行酒花侵眼，彈琴鳥會心。當今謝太傅，不待遠登臨。

餘子綽山陰館集

城北高門舍，山陰舊館名。主人元會友，賓客更尋盟。
二月青雲暖，一觴黃鳥鳴。此中逢傲吏，別有避塵情。

秋夢

征夫隨漢使，何路向河源。明月懸邊塞，秋風傍夢魂。

餘子綽始見

南齊集三編 卷之二
閨深傷夜永，衾冷覺霜繁。
起作相思字，無媒寄淚痕。

送友人

相遇他鄉地，銜杯復送歸。
從來孤客侶，一去故人稀。
晚木寒蟬苦，秋風朔雁飛。
那堪臨別淚，哀響切沾衣。

集飲茗水主人園有井水至清

俠氣孟公才，樽前喜客來。
晚涼投轄好，秋色勸杯回。
况此寒泉勝於水井臺，玉壺心且見，不惜向人開。

桂花樓中秋新晴得清字

人間偏久雨，樓上忽新晴。
為有中秋宴，應添一夕明。

桂花浮酒發，月色近天清。
宮樹啼烏起，疑遊不夜城。

杏林園秋夜集

王人令子伯仲雙美

不獨求神術，相將仙杏家。
階庭共生玉，園樹豈須花。
歡樂秋宵促，留連夜月斜。
如絲有大道，更照醉歸車。

秋日江亭送客

風景難攜手，新亭作別愁。
酒杯添客淚，舟楫惜江流。
滿目煙波渺，送心湖海浮。
將歸臨水日，更共動悲秋。

山寺雨集

天上花臺雨紛紛，秋後看空山。
觀物靜高檻，倚雲寒。

携客來尋興，添杯醉未關。晚鐘煙霧外，希聽且留歡。
同諸尊者遊天德方丈，主人有詩歌席上，即

謝山名光明

光明方丈室聚會照前庭，天上多尊者坐中慙。德星
衣疑雲日紫，眼入法蓮青。舊識廬山客，至今狂未醒。
歲暮雪後集倚蘭臺得人字

蘭臺自高潔，雪後更無塵。瓊席闌干近，瑤花草木新。
眼前遭惜歲，酒裏預憐春。好映酡顏客，相忘白髮人。
大川尊者千秋阜別菴得十五刪二首

別室東林外，誰知更買山。參天森木直，布地落花閑。
牀石移厨坐，棲雲任客攀。一丘無限興，擁在上方間。
苑中疑化界，天上出名山。雪嶺千秋淨，春林五色斑。
倒懸白蓮影，近植彩雲間。處處爭高地，偏窮落日還。
夏雨集桂花樓得秋字

庾公興不淺，携客上高樓。勸酒涼偏至，憑欄雨未收。
已分金掌露，寧待桂花秋。相繼重開宴，更陪良夜遊。
江雨尋友人宅

十里江天雨步艱，迷水潄誰家能飲酒。漁澤只行吟

濁浪湖舟繫亂雲津樹深不知桑戶宅何道為相尋
同遊補宗師寮舍得五微

同遊貪賞會方外叩禪扉醒味開香積茶煙侵翠微
夏深高樹合日盡落霞飛醉極忘謹笑隔溪猶未歸
送義教師還羽州

錫飛輕萬里好去欲凌虛舊嶽歸蘭若空門有草廬
羽山人到後瀚海雁來初方遇秋風下南中一寄書
初秋涼雨集停雲館

南館開往日西風入早秋停雲涼不散輕雨白還浮

公子追隨宴布衣酣醉遊詩腸因酒量才盡共難酬

秋晴獨坐

霽後催秋色樓臺敞積陰夕陽歸遠水晚翠入高林
行遇蕭條候復悲搖落心清商聊理曲匡坐試鳴琴

集飲此君亭得東字

相看亭上客散帶子猷同綠竹朱門外青雲白眼
人應醉林下世似避牆東但聽譚玄座清風吹不窮
總州客舍遇雨

繫舟屬風雨投館坐蕭森林木墜春意江流添客心

望疲雲霧合，悶遣酒杯深。常海還將近，水程何處尋。
將發佐原半七彦，十載酒到舟。留示二子，

期日將迴棹，不關乘興輕。一樽携酒別，二子即舟情。
信宿交相得，江山感且生。水鄉來往熟，重聽竹枝聲。

舟溯刀祢阻雨泊滑河村二首

長江三百里，短棹一孤舟。水上迷冥雨，風前避急流。
蒹葭投泊渚，雲霧問津樓。登岸知何處，蒼茫惹旅愁。
江村春雨裏，寥落暮煙疎。挈榼須求酒，臨河定得魚。
蓬窗從泛宅，蓑笠混幽居。濯足滄浪水，行應隱釣漁。

送吉子玉還鄉先是客中喪兄

非唯傷別意，百感為君生。憂裏三春盡，悵然千里行。
鄉園鷓鴣變，原草鶴鴒鳴。猶是因歸養，須安陟屺情。

五言排律

暮春送藤貞卿歸長府

宦學三年好，歸期一日歡。送君春欲盡，使我別愈難。
啼鳥歌聲老，落花杯色闌。暫為東道主，空指夕陽看。
人事波濤險，客豪湖海寒。鄉途元易涉，努力且加餐。
參政滕公府詠小池芙蓉得四支

咫尺憑欄處芙蓉出水時已含仙掌露疑植鳳凰池
相府生花近雲臺捧日移洗頭供玉女過步妬瑤姬
衣整紅全艷珠明翠未衰誰爭初發色自有謝公詩

諸子集觀鄴中西園圖

丹青資不朽盛事在千秋曾擬鄴中集今觀西苑遊
披圖明月出竟卷綠池流玉樹光猶動朱華色未收
共疑分旅食並坐飽珍羞長此行杯滿應綠飛蓋留
文章敬愛藻績久相求公子誰堪比群才自作儔
傳神稱顧陸曠世數曹劉嘆息追隨志悵然難可酬

送玄海和尚歸長崎大音寺

西極三千里半凌滄海行雲烟金錫過波浪木杯輕
香散紛花異珠浮滿月明袈裟登梵宇樓閣厭乾城
再會驚年歲同遊數死生須臾此日別惆悵故人情
誰念吾今老不忘君舊盟天龍元渴仰桑梓更逢迎
崎土親弘誓蠻方遠識名大音託潮水東寄聽餘聲

井勃卿在荒川之役賦寄

今年治水分役諸
侯白旂侯命遣臣

堯德安昏墊禹謨治浩流朝分滄水使命賦監河侯

南郭先生文集三編 卷之二 七 嵩山房本

之子充藩役從僚作宦遊荒川巡疏鑿鉅野舍陵丘
導逐行舟下功隨覆蕘收樂成民且集竣事眾將休
塞決聞沈馬犒勞催擊牛須新溝洫志歸授友朋修

南郭先生文集三編卷之二 大音古

南郭先生文集三編卷之三

平安 服元喬子遷著

東都 熊元朗華玉輯校

七言律

東叡山賞花

東叡山

龍宮鳳闕對氤氳花滿東山望自分池近且疑梁苑
雪樹晴猶見漢陵雲綺羅桃李春相麗妓樂登臨日
作群園邑元緣充奉地烟華到處借榮芬

病中寄懷雲夢先生

南郭先生文集三編 卷之三 嵩山房本

咫尺城頭風雨多幾時高會邈山河上池仙閣懸金
掌北闕神門想玉珂一月常難開口笑三春况值抱
疴過子桑十日懷人甚伏枕蕭條徒自歌

頃有壯遊約病不果作示諸子二首

抱病三春臥赤橋年芳流與壯心銷難期禽尚遊山
嶽空對羊何憶海嶠止酒多時唯藥物撫床無日不
蕭條誰言老得滄洲趣坐使江湖興轉遙

秦封風雨滿寰中一望遙思海岱東仙鼎金丹疲未
効名山石室恨難窮壯年不再龍門子老大徒傷鶴

增上寺閣

髮翁病起猶乘成藻翰飛揚無使此心空

四月八日登增上寺閣東雲洞上人二首

增上天宮百尺壇更攀層閣倚雲看龍華近捧垂珠
樹雁塔爭懸承露盤雙闕江城連睥睨千帆總海入
欄干坐疑金翅臨波浪欲擊南溟不可難

祇苑清風四月林徘徊樹杪滌煩襟下方一盡無邊
色天上還觀不住心日繞五陵山萃影濤通萬里海
潮音晚來且欲尋溪艸未至禪房結夏深

得田彥愛信因感前時數數會飲望嶽亭未

數年子和逝矣，彥愛黜矣，慨然寄答。

憶昔大夫時，犯顏茸裘何處獵。田間坐朝，一腋存狐。白隱霧南山，隔豹斑。望嶽亭空，風雨過街，杯客散。歲年閒，即今故舊悲寥落。幾日看君佩賜環。

奉和松前公青山別莊作

青山勝事近，如何官暇風流一醉歌。都尉篇中辭總妙，步兵厨裏酒應多。林花待襲長裾落，野鳥鳴迎岸幘過。我有薜蘿衣未敝，重遊肯許倚巖阿。

蘭臺醉歸明日奉贈參政滕公

城頭歸興帶輝光，白虎門南月似霜。三日難醒僕射酒，于今猶惹令公香。衛詩彩筆成圭壁，燕駿高臺有驕驕。且想衣冠時不急，軒軒早已出朝堂。

約遊松前公青山別莊作此促之

由來嵇阮屬衣冠，林下風流待罄歡。唯是青山携客至，何妨白眼避人看。一時空落雙松雨，此日遙思五月寒。安得仍容疎禮法，相忘散帶酒盃寬。

七夕集霞關寄懷雲夢先生臥病

烏鵲城頭落日隈，人先牛女共銜盃。欲傾星漢千鍾

南郭集三編 卷之三
酒且望神門百尺臺，肺裡詩應高枕就。腹中書自臥床開，相逢此夕堪相惜。不見翩翩跨鶴來。

永代橋步月

永代橋步月

空裏長橋載月過，滄溟開處渺金波。龍躡架氣疑乘海，鵲影浮天欲渡河。轉岸潮驅秦石去，犯星流駐漢槎多。玉人戶戶吹簫夜，白首回看此醉歌。

中秋前一夕霞關飲得思字

高樓月色對城池，粉堞烏啼桂樹枝。漢苑雁書將落處，魏臺鸞鏡欲圓時。愧迎天上顏如玉，醉倒風前鬢

似絲。明夜縱逢杯酒滿，回頭今夕不勝思。

懷仙樓再成

新樓驚見化人宮，天近清都御氣通。黃綬不求句漏令，丹砂久鍊葛仙翁。再棲燕雀兼青鳥，舊帶雲霞綵虹。他日貪攀金掌露，重來復已滿杯中。

城門晴雪

龍騎仙車朝玉京，青雲白雪轉鮮明。金銀闕映蓬萊近，日月衢懸閭闔晴。已見凝華繁上苑，且疑輕煖望春城。相逢紫陌孤裘客，休笑復行東郭生。

城門晴雪

友人宅守歲

君家今夕不蕭然，
除夜張燈白髮前。
常愛玉壺傾綠酒，
況添銀燭吐青煙。
依雲雁過催春意，
高樹鷄鳴入曉天。
三百六十能已醉，
如泥更共到明年。

五七

三日松前氏西莊

紅亭青眼白綸巾，
彩筆芳尊相照新。
詞苑且濃金谷酒，
桃花聊避武陵人。
古今懷抱逢三日，
丘壑風光惜一春。
自是山陰堪盡興，
何須更問水流濱。

送田望之從侯駕還長門兼寄縣次公

東方上路旆旌齊，
千騎行驕碧玉蹄。
已逐使君從駕去，
定知書記倚鞍題。
嶽高停馬雲相送，
海穩懸帆雨不迷。
更報頌鱣楊伯起，
誰如夫子擅關西。

答長門滕子萼見寄

久蓄長門海府才，
瓌奇忽擘巨濤開。
文成珠貝頌龍室，
彩吐烟雲壓蜃臺。
萬里情交憐不冷，
十年心事見難灰。
比來學術輕齊魯，
那待中原講業回。

為諏訪侯題清風樓

樓成邨第倚清風，
城闕秋高咫尺中。
颯爾上林明月

龍室屋臺

樹何來天樂廣寒宮誰從夜坐思玄度人隔雲霄想
庾公羞臥塵埃還授簡回頭虛賦楚臺雄

送君嶽遊函關二首

關門險路彩雲邊閭闔躋攀欲到天掌裡芙蓉擎白
雪鏡中湖海冷蒼巔洗頭玉女分盆浴挂幘珠花著
樹鮮知尔山陰逢道士寫經兼更學神仙
岩堯太嶽擁關東地闢神都瑞靄通不比泰山臨魯
小從來函谷據秦中秋探石室巖雲白夜宿天門海
日紅匹練動時看上國應須速下首西風

滕公桂花樓成席上得山字

從容府第自公還更上新樓吏事閑為引三秋明月
色且開雙闕彩雲間愛香荀令臨中座栽桂淮南擁
小山八子群才詞賦滿誰憐招隱得躋攀

桂花樓賞月得秋字

城郭天高暮色收月中攀折桂花樓玉京影近寒宮
闕銀漢星稀迥斗牛承露盤疑清酒冷停雲曲繞畫
梁流此筵不厭時時賞何必今宵減仲秋

懷仙樓雨中飲得寒字

尚書集三編 卷之三 五

金盤露滴玉闌干雲裡仙人侵坐看樓閣斜含城上
雨芙蓉近摘掌中寒青尊桑落須耽飲黃菊花開好
授餐下見東西車馬地誰知避世此交歡

觀華山圖

雲臺誰道欲攀難筆削工成玉女壇白帝座懸堂上
迹巨靈蹤傍掌中看人臨車谷蒼煙暗秋入天門素
練寒仙侶乾坤堪一瞬尋源何必問真丹

海驛朝望

澤國長亭接近關郊雲紫氣彩霞間大荒日出東南

海驛朝望

坵諸嶽晴來咫尺閑不獨盪曾容二總直應濡足到
三山况無萬里揚波色時見江河朝海還

酬田彥愛見寄懷

憔悴懸思舊楚臣閑居海畔卜誰隣釣漁日近扶桑
樹書札鴻遙碣石濱愧我開緘驚歲月憐君託酒避
風塵比來欲問滄浪水無恙狂歌寄此身

簡義海上人問疾

風霜現病伏林間想見蕭然轉鎖關一室臥遊元是
穩六時行漏自應閑繞牀木落空中色停履秋殘溪

長安西山

南山集三編 卷之三
上山借問何人驚靜默訪來猶叩法門還

送人歸隱長安西山二首

故國長安避世歸堪裁游子芰荷衣比來東海疲彈
鋏何似西山去采薇種秫有年收稅畝得魚終日坐
漁磯但期別後傳消息精衛寧無銜木飛
丘壑嗟峨勝迹通歸棲閑見有無中乘輿昔駐君王
獵齋殿春荒帝女宮大堰猿啼迎夜月嵐山木落送
秋風為耽幽討身將隱好事何妨文且工

送雲洞上人暫輔雲頂老師赴巖月淨國寺

緣山祖席自相携供帳東門路不迷捧寶羣龍收雨
過馱經征馬向風嘶新壇座照依巖月舊社人隨分
虎溪只是期君歸到日正看春艸已萋萋

逍遙館席上分得一東奉贈滕公子雲夢先

生

朱門白日海雲東客至逍遙別館通阿閣已棲孤鳳
彩南溟且伴大鵬雄信陵公子元虛左鄭圃真人好
御風附翼迴翔良宴會老生羞殺鬢如蓬

歲杪飲餘子綽邂逅東伯通

南山集三編 卷之三

主人情款滿，杯盤况遇故。交來罄歡已，見殊思新築。
館亦知同好，薦彈冠駿臺。邨第黃金色，鳳闕雲霄紫。
氣寒老去自驚酣，醉裡白頭吟罷屬年闌。

首春霞關集

不厭年年勝會頻，城門相見復逢春。諸君縱是青雲
士，我輩曾無白眼人。池動風光侵坐暖，樓高淑氣入
杯新。避喧遮莫聊違俗，詩酒何如車馬塵。

停雲館春讌奉陪倚蘭度得衣字

邨臺城闕共春輝，停得青雲傍紫微。公子趨庭兼彩

服，君侯臨館映緇衣。新花有待迎人發，啼鳥如呼勸
酒飛。且喜風光隨日永，追陪歡極未催歸。

送大僧正察公還華頂山

萬里津梁上路長，春風行送雨花香。寶輪轉地傾羣
衆，龍蓋昇天入帝鄉。淨嶽處尊華頂影，恒沙照遍白
毫光。自今西向尋源客，無意東流歸海方。

插柳生未數歲已合抱矣聊作謾興

柴門寂寂草堂貧，楊柳陰陰日月新。一翠露濃隨散
雨，千條絲亂惜殘春。幾圍已作金城樹，數歲何堪白

髮人長大但憐藏拙處應從叔夜避風塵

奉訪成章公子於南莊

棲遲郊外度芳年誰識中山公子賢空谷白駒其遠
跡青雲魏闕懶朝天庭階且借栽蘭地歲月堪培種
玉田幽興唯餘詩酒客論心江海得相憐

春臺兄六十初度門人共觴紫芝園社過時

聞之寄以為壽

聞說稱觴夫子家從遊非獨漢侯芭門生恰好攜春
酒歌妓何妨開絳紗不改商山三秀色長看文苑四

時花後期只恨過良會率意無由駕阮車

高子式萱洲宅成二首

聊卜幽居試賦才采芳洲渚興悠哉纓塵舊濯滄浪
水籬菊新含濁酒杯園霧江帆侵樹入檻雲城堞對
樓迴不須襟背栽萱草日載忘憂與客開
誰言車馬混風塵此地牆東溝水濱心遠江湖寧擇
境隱深朝市不違親秋風試釣鱸魚大曉樹移巢鳥
雀新已見貴遊多轍跡莫將熏灼駭鄉隣

新晴登樓

夢後高唐楚色開，雲歸雨斷此登臺。西山夕日天涯盡，北渚秋風木葉催。帝子煙波君不見，故人書札雁空來。無為更且悲搖落，蕭颯孤心久已灰。

參政滕公壽筵

滿堂佳氣坐氤氳，更進瓊觴酒自醺。詞賦珪璋誰得似，子孫麟鳳此成羣。初筵已厭南山色，甲第愈高北闕雲。稍見上台連斗極，壽祥非獨映星文。

送雲察上人應奧白川請住森巖寺

白川城畔古祇林，關塞山河草木深。路似真人懸紫

日光山

氣境知長者，布黃金龍宮。雨迓彌天色，蓮坐花開喻法心。聞說東方多世界，隨緣堪唱海潮音。

為竹文學壽乃翁春菴先生八十

壽高南極應星辰，德劭西藩表楮紳。孝養白華稱克子，老成黃髮寵儒臣。臺官常餽侯家饌，門客俱來席上珍。總為盛筵縫掖滿，更知歡舞彩衣新。

送稷卿上日光山

從其君奉命祭告

明堂舊位古諸侯，有事宗祧向野州。與祭知君執弓矢，從行兼自備貔貅。丹湖影動龍鬚落，真髮雲迎馬

首浮仰到天門窺日觀紫煙高處望仙遊

送友人遊宦長崎

萬里樓船迥不迷到時波穩夕陽低九州節制新開
府千古司存舊鎮西自有越裳來翡翠何勞遼海走
鯨鯢幕中參佐推王掾書檄須君手筆題

春宴某侯三義莊

海近名園積水開三義春霽大江隈誰誇廣澤吞雲
夢已比瑯琊起觀臺花撲玉缸臨岸點風披綺席疊
波來終年且送如河酒更待重陪袁紹杯

三日同遊少林院得東字有感

林東座
此兒

少林亭下曲流通觴詠相看修禊同鳥入詩腸吟永
日花隨醉態舞輕風共憐此興春無恙誰料曾遊彼
獨空猶怪蓋山暮人起泉聲如咽澗巖東

送人遊松前

行看大絡繞三邊不隔韓城奄受年皮服從來歸禹
貢朔方今更戴堯天已無雨雪同車客且慎風波絕
海船地產明珠何必問囊中自有遠遊篇

送江士瑤宦遊相州

郊關侯服海城居行矣馮生食有魚懷璧久疑甘短
褐投珠初見照長裾主恩百尺樓臺上儒術三冬文
史餘玉笥名山應待爾壯遊多暇好藏書

送人卜隱宇治

佳氣城南宇水東帝鄉王迹鬱蔥蔥鳳臺舊映朝陽
外兔苑猶餘春樹中山色近迎探勝出川流欲傍卜
居通橋間自汲鴻漸隱應與茶經第一同

寄懷田大心

關下江南鄉國邊西歸菽水奉親年隱醫尚想君卿

海亭

俠著論還潛節信賢舊社故人推獨步中原何客競
周旋冥鴻海上遙相憶報寄秋風幾日傳

早秋苦熱携酒海亭得風字二首

携酒孤亭積水通尋涼忽豁市樓東疑將縮地長房
術轉作談天碣石宮秋入壯濤堪洗暑日移空檻迥
生風鄒家本道神州小寰海如池落眼中
諸君淮海本豪雄樽酒相扶愛醉翁疇昔凌雲餘短
髮誰今乘浪破長風氣晴天際歸舟小影碧潮頭落
日空縱飲自應使人遠隱淪何必五湖中

秋日赤羽橋送別

匹馬嘶聲慘不驕，河梁送別此相邀。
浮雲背指蒼龍闕，流水難留赤羽橋。
萬里行從分手始，孤遊情傍拂衣遙。
攀來還未催搖落，為向秋風惜柳條。

中秋獨酌

獨酌蕭條對玉壺，誰憐靜夜滿江湖。
人間老去冰心冷，天上秋來月色孤。
相照白頭看掛鏡，還臨赤水愛沈珠。
不知此夕城中客，回首雲霄一憶無。

秋夜同諸子墨水舟歸

大江千里入秋晴，擬伴漁歌下月明。
積水天低連漢影，長風海近送濤聲。
歸來一夜回舟興，醉後中流擊楫情。
自是客星無不到，人間莫怪問君平。

烏石山人集

清狂主客集閑居，名下風流自不虛。
坐罷一毡須換酒，家餘四壁好題書。
探珠赤水時相得，懸綠青蘿秋未踈。
鳥雀從來欣有託，愛君三徑接吾廬。

移居巷北

十載衡門赤水西，移居仍自傍幽溪。
犬鷄不隔知窮

巷燕雀相隨安舊棲欲避風塵難遠跡羞栽桃李易成蹊只憑春樹漸遮斷定似桃源使客迷

送人還播州

尔去丘園向播州攝西遵渚路悠悠煙波行得滄洲趣今古蹤遙赤石遊不改天涯明月色無邊海上白雲秋歸家恰是多名勝須為風騷近更求

初夏越雲夢松霞關携諸子見過草堂

仗藜羞應席門斜乘輿雙停長者車四壁光輝聯白壁連城聲價照貧家村醪幸有杯中物野樹猶餘春

後花幽討只容終永日休論負郭載歸賒

五日新晴飛雲館得青字

主人第三郎甫九歲穎敏驚坐

新樹風涼引後亭古河烟水落前汀簟開楚竹三湘冷樽入江蒲五月青館上飛雲高且散山西斜日朗還停請看夕霽諸賢聚天動應緣膝下星

霞關避暑飲

名士相逢痛飲才尋涼取醉此登臺去天尺五城南宅避暑風流河朔杯勸酒情傾家釀熟披襟興隔巷塵開主人更有冰盤饌分得宮恩玉井回

寄稷卿

浮雲世事醉中情，知爾家貧懶作生。
為客無魚長缺嘆，何人對酒短歌行。
百年一日唯耽飲，五斗終朝幾解醒。
猶有詩篇傳漫興，不妨身後自成名。

早秋夜集霞關得寒字

日入樓臺徂暑殘，霞關晚色倚闌干。
迎秋新月侵銀燭，承露高天落玉盤。
座動星河從客犯，夜深杯酒罄君歡。
明朝處處西風遍，遮莫吹催蓬髮寒。

七月六日集莊子謙新舍

築舍新涼入早秋，黃金臺畔引同遊。
已疑漢影通烏鵲，何怪星文聚斗牛。
月色風前琪樹合，詩篇酒後彩毫流。
明朝試取諸賢作，須與人間乞巧樓。

尾藩鈴公不東數年，偶觀其別園圖想像興趣賦此二首兼寓奉懷之情。

憶昨平原驩布衣，別來年歲自依依。
無端園趣披圖見，忽爾神遊入夢歸。
巖上臨江孤館起，林標接海片帆飛。
酒筵碁局山陰墅，佳境幽情應不違。
地跨城郊景勝多，興來賓客定如何。
平陽相國稱清

靜暇日開園命醉歌互發百花新
艸木長觀千里舊山河低頭衰白空
相憶安得雲霄企一過

余求昌蒲盆神直夫見貽瓷器古色佳甚

水石青莖擢且繁綠盤盛得愛蘭蓀
夜浮沆瀣三清氣旦澣寒泉九節根
不假仙人承露掌兼疑玉女洗頭盆
空齋晞髮朝陽影坐見氤氳堪可殮

送稷卿暫之丹州

山國丹梯行欲躋過京關塞入雲齊
且看白馬長安道已去青牛函谷西
旅館歸心秋雁度孤城愁夢夜

猿啼遠遊易使王孫滯莫向春風賦草薺

霞關公拜新番帥賦此奉贈

恩光朝降日邊明清切雲霄天將營
龍虎新軍分宿衛公侯舊族領干城
由來大邑封周甸更自宗班踰漢卿
推重果稱張廷尉十年空已愧王生

定月上人住小金東漸寺賦此奉送

三千社首自分明更躡名藍主法盟
大寶林懸行果滿小金鄉逐步蓮生
諸天白日臨壇上初地青山卓錫聲
經歷東漸應不遠只期還到梵王城

白河

送蓋公疏仕宦赴白河
知君仰首久長鳴
初試燕臺千里行
駿馬從來成價重
黃金不是待賢輕
東毛野出郊關曠
翔雁天連碣石生
此去客心爭日月
秋風早到白河城

遊玉笥山六首

玉笥山東溪谷分
仙羊化石路成羣
迷蹤漸寤黃初起
壯志聊酬宗少文
停屐雷轟巖下電
拂衣煙亂嶺頭雲
已驚投宿多村落
且喜尋源洗世氛
傳言此地勝驪山
靈液殊開大嶽間
一自始分神女

玉笥山

澤至今長駐里人
顏注來不盡疑香
漢浴罷何妨共玉
環肌骨并除塵垢
事便應輕舉踏雲
還

人家鳥道極叢鬼
處處躋攀試步回
九折溪流東澤水
千尋樹杪太平臺
海天龍氣蒸遙起
嶽裏雲根雨忽來
歸舍解衣堪避暑
山中更有濁醪杯

峭壁攢峰陟近隣
摧林蹶石道愈新
捫蘿自怪驅山鬼
叩牝誰知養谷神
但恐始寧門下客
復驚臨海郡中人
謝家已是多狂態
曲蓋相攜遺此身

宮下堂洲草木鮮
樓臺幾處擁溫泉
丘中已遇鳴琴

客溪上何來采藥仙，隱霧斑毛窺豹穴，投珠明月墜，
龍淵翔遊總是人間外，不怪名山有洞天。
西風昨夜復驚秋，地限關門不可留，非有真人揚紫
氣，何嫌我輩跨青牛，雙生色夾峰雲送孤照，天懸嶽
日收回首，慙慙烟靄裏，山靈亦似待重遊。

畫鶴

帳中孤鶴舊仙曹，素練分明入彩毫，舞罷似馴階上
靜步來疑企，海天高應思一舉，凌千里，那問長鳴啄
九臯，衛寵乘軒辭已久，昂然憐汝潔霜毛。

子曜公子翠竹亭同賦

公子南亭愛竹情，牕前新翠轉鮮明，滴杯影映春樽
滿，拂席風連夏簟清，斡指青雲時欲上，枝霑玉露日
看生，繁陰已並階庭樹，且傍朝陽待鳳鳴。

聞田大心筮仕移澱喜而賦寄

故國堪洄澱水舟，共知親老宦諸侯，儒臣寵待迎縫
掖，劍客彈歌解蒯緱，日近長安臨境照，川分甸服抱
城流，中原南北衣裳會，且喜爭雄據上游。

奉和雪翁先生懷仙樓雪後與子式飲見懷

之作

神門雪後近蓬萊仙閣雲中沈瀼杯定有鍾龍銜玉
燭兼知海鶴舞瑤臺揮毫共擬梁園賦和客堪歌郢
曲才誰料興來招隱句翩翩翻向草廬開

送義海上人住巖月淨國寺

都門祖席照東方共指盈珠衣裏光知自經筵推上
首看揚法旆向壇場雲龍且送三山雨巖月新添五
夜香更待諸天迴佛日高懸紫氣近朝陽

舟下鹿洲江濶不見渚涯

鹿洲

解纜長江下總州漫天刀祢向東流客槎星犯蒼龍
宿仙閣雲浮白鹿洲地坼直觀滄海日水平疑泛太
湖舟飄飄為欲償心賞乘去風帆自不休

鹿洲觀海二首

鹿洲記

環海遙觀不可窮大荒無地入鴻濛蓬萊且極仙遊
外暘谷偏浮日出東秦帝石橋情謾切麻姑潮路信
應空已知迴軫難為水儻問崑崙十二宮

東極波濤一壯哉乾坤日夜大聲迴四維渤溘傾天
湧百道奔騰拔地來堆白戰連龍骨碎積珠爭剖蚌

胎開縱無變態堪相鬪似壓當年七發才

小金眺望

神州封略地圖雄遙望川原千里通沙苑牧開生馬
野長楊獵至射熊宮二毛急雨過郊北一帶浮雲接
海東樹杪殊分佳氣鬱西連城闕更蔥蔥

送長門縣伯恒

大邦多士共才豪更喜通家見鳳毛遙覽紫霄千里
下歸飛丹穴五雲高贈君唯有芙蓉雪壯爾何如渤海
濤不厭此間棲者小重來翕羽覓蓬蒿

初夏遊伯玉宅得寒字

主人原似馬曹看蓬首杯樽對客驩薄宦不論龍虎
衛懶朝何用駿驥冠露牀空翠侵衣落夏簟清風勸
酒寒已愛王家堪嘯詠他時尋竹問平安

夏日閑居八首

赤羽橋西生事疎柴門懶性鎖閑居病來三伏唯高
枕老去千秋更廢書漢地樓臺臨各處陶家草木愛
吾廬寄言大馬諸公子巷隘難容長者車

獨酌空階取醉頻寒毡冰簟未全負廣文學士唯吾

輩彭澤先生有故人歲月酒錢從客乞風涼葛綌愛
時新自安久混泥塗濁不願輕揚陌上塵

短牆籬落混西東夏木成陰空翠通坐見山童供灑
掃相憐野鳥遠樊籠不才昔學三冬史垂死今餘一

畝宮獨為靜虛堪勝熱當風不必問雌雄
却掃衡門心事寬避喧聊作隱淪看小池白石迴流

淨斜徑青松落影寒旋復游魚千里樂翱翔棲鳥一
枝安回頭盛夏方炎熱轉畏人間行路難
夏日清風臥草堂無端牽睡到羲皇思玄昔夢崑崙

上遺世還遊華胥鄉窻下寤來仍撫枕庭陰浴罷更
移牀暑天不厭昏時促回首園林已夕陽

扶筇緩步出蒿萊一樹松陰百尺臺急雨前山蒸氣
散斜陽片海晚潮開已乘張翰江東醉不假袁公河

朔杯拊解行歌因漫興聊思詞賦感涼才
憶昔相携年少新樓船六月大江濱舳艫水面渾無

暑杯酒筵中更有春錦纜牙檣凌潛府清歌妙舞醉
佳人一時奔走今誰在慚愧生存白髮身

尋涼赤水月明孤開酒宵淡白玉壺慷慨忽盈盤上

鶴士寧始見

淚蕭條難抱掌中珠百年瓜葛皆衰落萬里鄉園還
有無不作他時歸骨計埋身那惜朽天隅

夏日寄憶鶴士寧

江東豪興近何如盛夏衰年歎索居徒羨浮舟能結
網誰憐伏枕懶看書秋風未問吳人膾暑月唯甘葛
子魚把酒非無河朔思老夫艱步日躊躇

葛子魚

聞田大夫彥復職喜而賦贈

十載秋風惜逐臣曾疑憔悴老江濱
竭來滄海浮雲散歸到朱門白日新
瑜瑾重明懷璧志韋弦併佩賜

環身共稱舊政邦司直潤飾羔裘表摺紳

題懷仙主人松月館

仙樓別館傍神橋儔侶來通不待招
月出瑤臺迎佚女松高白鶴駐王喬
金丹鼎任膏餘落玉露杯承夜色遙
共映華陽巾上影長凌霜雪望雲霄

訪木公達客舍

五壇五色鳳凰樓邸舍光輝借彩浮
護社故人尋歲月梁園上客更風流
舊來話罷將青眼別後驚看共白頭
但為長卿須授簡喜君還未倦東遊

五段長厚方

南邨集卷之三 卷之三 十一 嵩山房梓

奉謁

東叡大王

龍駕從來降帝鄉，白毫回照滿東方。日邊色送青雲近，台嶽天臨滄海長。鹿苑兼開修竹，綠鴈池新捧瑞蓮。香儼然坐現金銀閣，不向西乾假梵王。

南郭先生文集三編卷之三

南郭先生文集三編卷之四

雪華飄散又生陰，樓峯平安。服元喬子遷著

東都

熊元朗華玉輯校

五言絕

春眠

春眠無客至，白日靜花蹊。夢裡聽黃鳥，醒來近樹啼。

春雨

城外今朝雨，濛濛滿萬家。不知烟樹裡，減却幾枝花。

遙題鷺湖

水閣開山曉，湖舟上嶺霞。芙蓉浸初日，更濯玉蓮花。

關山月

家鄉千萬里，關月相隨來。自聽胡笳切，歸心盡作灰。

寒松霞關席上

寒松高標秀，城上接氤氳。衆木風霜日，凜然獨有君。

松子錦偶得，雪景掛幅是。猗蘭疾所圖，因作

以助其賞。

雪華懸咫尺，玉削數峯寒。不沒幽情色，猶餘丘壑看。

答源京國大夫自作花瓶并詩見贈

花瓶勞驛使，還勝寄梅人。插得幾枝色，坐看無限春。

奉和荷澤公子夜雨作

蕭瑟寒林雨，愁人獨夜情。誰知臺上夕，別自入琴聲。

觀雪梅圖

羅浮明月色，閨苑美人姿。坐愛肌侵雪，看疑香滿枝。

聞箏曲

忽聽鳴箏響，牆東雜鳥音。拂絃人不見，簾外百花深。

松前氏西莊得樹字

脫幘坐山中，醉倚雙松樹。上有仙鶴巢，應緣近雲路。

題畫扇

扇上雙鴛鴦猶餘畫裡香秋風昨夜至不敢獻君王

後猗圖

獸王元自在寧假馮哮聲阿堵威風起毛群不敢鳴

題画山水五首

積翠他山出輕雲遠水空扁舟張翰興一望起秋風
崖樹將溪石都含山水音清風猶未發似待我鳴琴
江閣誰相望蒼茫海上秋唯看帆影入萬里有歸舟
一徑有人住茅簷窺茂林羣山連屋後更見白雲深

雁落靜秋江等閑無人賞山上客偏歸定知熟來往

秋晴

他日悲搖落新晴玉樹枝今宵為明月隨意秋風吹

和大川尊者秋後見簡

錦字看相照霜林色可知且尋秋後興願及未衰時

此君亭飲得人字

竹裏清風足閑亭不受塵此君宜縱飲寧厭脫巾人

恐海上人見贈盆荷并詩云是竺蓮答謝

盆荷開且涼由來自西域更想山池花轉凝無熱色

題美人圖

陽臺移步時似近望還離惟慢流波起不知心向誰

離亭落花

携手到野亭落花亂如雪飛入勸君杯似惜河梁別

扇面雪芭蕉

空齋蕉葉雪玉屑重無聲偏著窻間色不須冰素清

題畫

相將何處客林外馬蹄輕更遠貪秋色應尋野興行

靈芝石是鳥石山人五石之一

崑山一片石神州生氤氲拾得陪翰墨時時見五雲

范蠡浮湖圖二首

扁舟心不繫已作五湖人釣得知多少何須比渭濱

茫茫湖上舟心事向誰語中有一枝花春風任所去

冬郊

冬郊霜後路一望兩三家烟樹總蕭索春風何處花

題畫

峻嶺臨江海逍遙北固濱相看情自遠知是晉時人

墨牡丹

自有名花色，寧須粉與紅。太真凝玉質，浴罷倚春風。

雪後即興

柴門一夜雪，轉愛没人蹊。不似城中色，朝來踏作泥。

雪後簡友人

門外山陰雪，情深儻復來。略知家醞熟，且欲待君開。

城傍曲

公子揚鞭返，城傍落日曛。馬蹄試不盡，千里駐郊雲。

獨處愁

月明似訪我，顧影淚先流。夜夜深閨裏，甘心獨處愁。

七言絕

為穆卿壽太翁

仙吏壽筵開，郎舍主人春。酒傍庭闈朱，門共擁三花。樹彩筆兼翻五色衣。

中秋蘭臺集得中字

蘭臺夜色自雄風，霄漢秋高落月中。似聽霓裳天上樂，人間近接廣寒宮。

又得家字奉和猗蘭侯席上作

處處秋風桂樹花，爭開樽酒萬人家。隨侯別有明珠

色添得天光映月華

九日雨時莊子謙遊相中賦寄二首

何處茱萸客裡寒勝情空自舉盃難人間風雨時時急不使江山任爾看

彌天秋雨暗江關想見雲根此日攀縱是登高探石穴不知何處玉函山

十日集節却菊未開作示諸君

登高昨日醉何臺此處殘樽十日盃但為諸君能載酒黃花欲待重來開

莊子謙是古人則孫天似不當

十日席上得庚韻

倚檻秋雲仍自生携來餘興故人情未辭節後東籬色先送霜前北雁聲

宮中樂

玉階春暖擁羊車日日逢迎習大家共卷衣裳含笑見宴前初發後庭花

約集霞關風雨不果會松前公使至附謝

關外朝霞黯不流忽為風雨隔高樓誰知地上病仙子空望城頭咫尺愁

蘇東坡集三編 卷之四

花下對酌

青眼青樽對友生，一杯一片惜花情。此中無限春風趣，終日相求黃鳥聲。

楊柳枝詞

千門過雨建章東，楊柳枝枝映漢宮。最是君王回輦路，不知何處向春風。

花亭新晴奉和猗蘭侯席上見贈

花亭對酒賞花還，纔遇新晴心自閑。又恐人間明日事，無邊風雨暗春山。

霞閣春望

關上霞關春望，不關天烈也。雲管林，映隔千頭。關門曙色海門遙，初日蓬萊萬里潮。多少樓臺春自滿，都成光彩上青霄。

暮春送別

何時再會別離難，君去飛花亦自閑。兩地風光長不盡，明年春色好誰看。

答源京國數書責報見寄

紛紛世事百函書，無日從容烹鯉魚。罷倦病夫時不報，念君却怪故交疎。

蘇東坡集三編 卷之四

題江島石壁

風濤石岸鬪鳴雷直撼樓臺萬丈迴被髮釣鼇滄海
客三山到處蹴波開

子規啼

繫舟江上巫山分客夢迢迢入楚雲最是子規啼盡
處月中回首不堪聞

霞關集期懷仙先生不至席間偶題步虛詞

閣上仙雲逐望生不聞天際步虛聲料知薊子能驅

閣上仙雲逐望生不聞天際步虛聲料知薊子能驅

馬千里家家盡日行

流螢篇

珠簾白露玉階光添得秋螢夜正涼
定亦追高樹入昭陽

蘭臺醉歌贈佐記室

似山公咲問并州兒
蘭臺自有習家池騎馬何須倒接羅
醉後風流誰得

坐忘亭待月

秋色亭高入醉歌回頭天際白雲過
不勝窈窕思明

月吹送清風先已多

秋宮詞

繁華昨日逐春風
太液秋寒玉樹中
一自芙蓉謝池上
君王不幸建章宮

送伊仲曜歸長府兼寄藤貞卿

赤關蒼海舊園廬
好去西風秋未疎
歸會故人勞問訊
于今獨咲愛何書

長干行

長干昨夜起西風
各自舟歸吳會東
欲就鄰人笑相

問月明開處水烟空

對春來遊綠山北溪無礙菴

溪上寒烟綠嶽峯
境深閑對數株松
往來記得當年色
鱗老于今盡作龍

宮烏曲

秦城月出夜無窮
棲宿烏啼桂樹中
玉漏聲長難作夢
君王安在合歡宮

春日陪飲猗蘭臺
時聞逍遙公子來
宴成章館作此奉贈羣公子

王樹春風並萼吹成章館裡映金卮忽聞不厭梅花
發又自江南添一枝

春日霞關集勸酒稷卿

歌罷馮驩意氣寒歸來長鈇入彈冠有魚且勸花前
酒休作孟嘗門下看

成章館春讌得山字席上上倚蘭戾

青樽坐映百花間玉樹階庭醉後顏內集團樂謝大
傳春來不用上東山

又上成章公子

成章之館對春山詞苑如花不可攀為是蘓公工手
筆重看小許縱人間

花下飲

花底從來憐酒馥尊前不復畏春寒帶雲和日停琪
樹送雪輕風落玉盤

春盡送客

殘花昨日已紛紛無那扁舟復送君此地明朝春不
見水流依舊大江分

子規啼

春盡江南住客舟，子規啼處水空流。此間總為輕離別，夜夜聲聲不解愁。

送島玄仙歸國

赤馬關邊萬里濤，歸帆渺渺客心勞。朝來試且回頭望，不隔東方海日高。

山友石自豐齋詩稿至，訪予不在，携歸客舍。俄而沒，其友緩部子為悲其事，徵予題遺艸。予亦為之愴然，作兼代吊詞。

豐城古劍此携來，擬向張華匣裏開。不意斗間風雨

變天南，一夜化龍回。

秋暑時甚，七月望，集成章館，此日也。涼風適至，滿座披襟，同賦得家字。

涼臺幽樹夕陽斜，無限西風催桂花。此日回頭窮巷遠，不知秋暑在誰家。

題源子敬詩卷併和見贈

明月東連海上城，蕭條白壁本堪爭。研成難掩陵陽石，期尔精光轉更生。

桂花樓奉觀逍遙公子寄題之作

子敬詩卷

海南相望暮雲浮，應憶蘭臺玉樹秋。元自掌珠明月色，投來雙照桂花樓。

桂花樓望初月

西山晚樹望秋天，初月纖纖含影懸。自是桂花樓上物，更期三五入杯圓。

小集得烏石山人遊玉函山見憶之作分韻

秋字

玉函山上與誰遊，此日西來鴻雁秋。直置滿堂相憶客，一時回首為君愁。

送元裔師還廣陵臨別見示佳稿

西飛錫杖海雲高，臨別詩篇見彩毫。已怪波瀾多變態，乘風知賦廣陵濤。

暮秋暫遊郊關留別諸君

郊關西望白雲長，處處登山木葉黃。來往自應搖落遍，携歸秋色解行囊。

遊東海寺少林院和大川尊者作

霜林珠閣映山雲，秋後芙蓉落日分。最是雨花臺上色，更看天錦碎紛紛。

五山寺

琵琶湖

寄贈湖南人二首

琵琶海上白雲愁，應望美人南浦流。
一自湖山照彩筆，至今依舊月明清。
知君近遠拂秋風，處處扁舟一釣翁。
淡海星搖依帝座，瑤臺水冷浸天宮。

戲題明皇貴妃圖

深宮輕襲紫羅裙，睡後浴前春未分。
自是君王貪畫寢，綠鬟終日不為雲。

烏棲曲

上苑烏棲桂樹枝，玉壺宮漏未闌時。
今宵召入新歌舞，帳裏君王睡不遲。

懷仙樓看人贈桃花

一枝妖艷映流霞，醉殺懷仙閣裡花。
知是天台山上女，相思春色到君家。

春怨

陰陰樹色繞深宮，一片花開一片空。
渾是年芳行欲盡，不須偏自怨春風。

送海西江文伯

環海西分小九州錦帆飛送木蘭舟歲期玉帛朝回
地那更東來是遠游

看花寄友

逢著芳菲未即還溪流深處住春開桃花自似迎人
咲無奈劉郎不愛山

春日登樓

韋曲高樓萬樹花胡姬粧飾妬紅霞醉來不問囊中
物領著春風附酒家

惜春得啼字

春風吹樹艸簷低無復人尋桃李蹊唯有鳥聲不相
厭明朝空更繞枝啼

江南行

江南流水野塘春春去春來歲月新門外復看花正
落即今何處不愁人

再遊少林奉和大川尊者作

芙蓉掌上白雲端憶昨丹楓落日寒重到祇林花下
色春來轉作雪山看

答仙臺源子敬夢余見寄懷二首

萬里銀臺海上濱誰知錦字入懷新夢魂只是遊仙
境相憶空慙郭景純

一自仙翁去海濤夜來應望月明高衛家如玉休相
照恐使青年夢思勞

月夜西莊醉歸復得松前公見寄因答謝

西莊醉色夜光杯歸路清輝送我開睡起更驚投白
壁猶疑都自月宮回

西莊醉後散歸既而聞稷卿繫馬酒肆戲作

調之二首

西莊終日醉金壺何謂歸鞍繫酒壚應被胡姬笑委
頓老生謾學霍家奴
二八當壚楊柳前醉來聊駐錦鞍韉對騶知是貪重
飲羨見傍人多酒錢

遙聞伯曄壽太孺人寄贈戲之

春風開宴醉仙霞阿母堂前方朔家自是杏林多子
種休偷洞裏碧桃花

為吉蘭臯昆季壽乃父棲巖翁

九州南畔對南溟共指晴雲有壽星海上雙珠相映

處遙知文彩滿家庭

仲夏樓上飲

高樓對酌醉如泥，雨過醒來落日低。不必勸杯須避暑，江城五月已淒淒。

酬懷仙樓主人與諸子飲見寄懷

彩雲深處想三山，閣上神仙醉後顏。誰料翩翩珠樹色，隨風亦自墜人間。

荅子式集飲神門見寄

聞君此日為相思，集飲山陽總未知。晚起蕭條愁叔

夜悔緣疎懶，誤佳期。

荅穆卿集飲神門見寄

寂寞玄亭晝不開，空知仙閣共啣杯。勸君好盡流霞酒，何似貧家曾載來。

高樓避暑

避暑高樓落日分，傍臨城上自氤氳。風歸翠色西山雨，涼入青霄北闕雲。

猗蘭侯席奉送勝山侯歸藩得花字

風流晉代謝公家，出入爭開玉樹花。更見分藩小侯

氏奉揚遙發畫熊車人辛開王樹芬更具分蓄小

送人之參州

鳳來山色映中天城郭回看碧海船試問漢王提劍地樓臺盡在彩雲邊

鳳來山

送人還京

今朝暫勸客中杯相送西風鴻雁來好去長安行樂處它時不上望鄉臺

秋晴對酒寄友

風乾秋色報新晴落日園林木葉聲獨酌蕭條杯自

淺誰知因見故人情

得大淳禪師見寄聞近住信中龍泉

九月關山北地霜相思空復此相望書來雁塔連秋色珠照龍泉想夜光

九月四日懷仙樓看子式攜菊有詩和之

柴桑早菊泛杯流先節登高閣上遊應為不須勞送酒折來籬下一枝秋

九日同登少林院上方得十二侵

綠酒黃花傍少林相攜此日愛登臨虎溪轉作龍山

會忘却風雲醉後心

題遊仙圖

滿地金銀百尺臺彩雲滄海繞蓬萊且看多少羣仙
子長駐龍車遊不回

羽林郎

金鞍白馬過垂楊枉殺胡姬凝粉粧借問霍家園後
色池臺七十二鴛鴦

子規啼

子規啼血大江分西望鄉關唯白雲日夜扁舟添客

淚天涯盡處不堪聞

海門送別得山字

扶桑朝指彩雲間日出扁舟浮海還君自神仙無滯
著好應因使問三山

春宮詞

二月花開上苑春朝朝遙望屬車塵君王最愛移遊
幸三十六宮何處新

中川舟中

泛來聊繫木蘭船轉岸南流入海天楓葉蘆花相對

中川舟中

出秋風總在夕陽邊

少年行

等閑纔宿杜娘家醉裏春風三日過欲上金鞍門外
樹攀來已謝滿枝花

大磯驛眺望

驛路西連玉筍關關雲半引海雲還只餘沙磧堆如
雪更見波濤崩似山

早涼

雨後西山落日微那知此夕早涼歸白雲不待秋風

大磯驛

起已為愁人數處飛

東毛松柏瑞遊學歸賦贈

日光山上彩雲飛片片相迎客裡衣自是君家多錦
繡何須負笈遠遊歸

送滕叔明歸仙臺

海上秋風八月寒仙槎歸處向東看客星一自攀霄
漢莫謂重來此路難

鶉山櫻花 豐山十五景分題

十里青雲白日新鶉山花滿不勝春隨風且送梁園

滕叔明

色如雪應催作賦人

送海雲上人遊西京二首 上人 有 西癖

長安宮闕對山河別是天遊飛錫過君但持來堪贈

我青雲不似白雲多

西都何處最徘徊華嶽甘泉探勝才摘取名山無限

好攜歸須與少文開

神門集子式病不至戲寄

神門仙閣夕陽深玉露金莖落上林無奈長卿愛消

渴在家相和白頭吟

秋後登少林院後山得十五刪

霜林秋後此相攀猶見支公坐愛山應許幽人貪一

醉丹楓留在白雲間

歲杪訪子式萱洲居同用寒字

萱洲繚繞使君灘白日樓臺不解寒獨愛幽居霜後

色長松樹下此相看

歲暮蘭臺值雪奉和滕侯得五微

幾度蘭臺盡醉歸年闌况復此依依興深不是山陰

路西出城門雪滿衣

前訪子式有作高田侯和其詩見寄再和奉
謝

江東歸到臥塵埃怪見雲霄咫尺開分得雄風吹玉
樹飛為白雪下蘭臺

春日行

夾岸高樓幾處春酒家都占大江濱飛花亂柳多佳
氣恨殺風前白髮人

期攜諸子看花少林院前日大川尊者有詩
見贈和答奉謝

溪花春靜白雲間重許東林一醉還半道故人邀有
酒相攜直自到廬山

和滕叔明留別重送兼寄源子敬

此日春風離別杯天涯遙送雁行回更知冥寂遊仙
客待尔同登海上臺

獨眠吟

長門宮裏玉階秋夜夜空懸明月愁強為傍人還作
怪擁衾時復在牀頭

華溪亭題小池得人字

亭下清風醉後中
小池六月冷無塵
相忘咫尺江湖
趣都似觀魚濠上人

同遊少林院子謙病不至有詩見贈和以却寄

少林山上出風塵
共愛涼秋爽氣新
無那白雲終日
在不堪持贈抱痾人

七夕詞

萬戶長安乞巧樓
晴河流入漢宮秋
誰知天近還相
隔別作階前夜色愁

畫半客中九日

新亭此日對山河
客裏無如搖落何
濁酒黃花聊復
醉秋風白髮不勝多

九日答謝江蘭陵詩并菊見貽

菊籬三徑就荒貧
風雨樽前赤水濱
此日陶家仍漉
酒那知恰有貽花人

晚秋陪猗蘭侯飲此君亭

此君亭上罄君歡
楓落秋風勸酒寒
滿坐莫非貪醉
客不須栽竹避人看

清光院得八齊

清光院裏舊苔蹊，木落深林自不迷。
咫尺十年隔塵後，方憐此日渡前溪。

送蒼溟尊者還西京壽光院

樓臺多少對長安，歸坐東山碧眼寒。
縱使春來花滿嶺，不妨猶作白雲看。

畫牡丹

國色名花濃艷新，一枝偏媚漢宮春。
披圖即得君王寵，畫手由來不悞人。

栽花樹

青雲白日傍春臺，不隔東風入戶來。
聊復愛栽桃李樹，也應一笑對花開。

長門公族大夫舍，和其息蘭陵君作奉呈主君

十年燕石隕江湖，明月驚看照座隅。
元自梁車堪託乘，攜來共羨夜光珠。

雨中春飲限韻

相遇山花冒雨開，惜春携酒強登臺。
未知明日風塵

色好更何人有勸杯

為倉伯頌壽太孺人

王母堂前奉玉卮翩翩青鳥繞花枝待看方朔金門寵他日仙桃欲熟時

送長子祗歸長門云到家壽阿翁賦此送行

兼代祝詞

君家遙想對南山歸解行裝五色斑更獻芙蓉千古雪不憂才子遠游還

春江曲

江下舟船江上樓儂家日日對春流何如同楫輕無往潮去潮來總自由

黃帝送墨海上人西歸

夕陽凝紫照雲端說法高臺珠滿盤忽欲凌空飛錫去江城百萬向西看

子式見訪時庭花已殘分得花字

殘尊未盡夕陽斜蕭索閑庭一樹花亦識恨君相問晚誰憐春色在貧家

送了義師還南紀

三山梵境接仙區，徐福祠前天月孤。歸到試開南海夜，何如衣裏出明珠。

宮詞

漢家明月六宮秋，多少紅顏滿玉樓。夜宴未終更漏促，君王且覓翠雲裘。

秋閨怨

黃龍塞上年年戍，丹鳳城南夜夜秋。萬里誰知明月夢，潑閨總是入邊愁。

五下秋風引對寒，日日樓春底何回。醉舞無

年年搖落客身孤，忘却吳中興有無。只被秋風吹惱殺，空教歸思滿江湖。

約少林觀楓雨，不果簡大川尊者

少林楓樹隔香臺，此日蕭條風雨來。不意復遭天上妬，人間何處罄歡回。

山眼西同前簡霞關公

遙望匡廬風雨寒，不教吾輩勝情看。空山此日無人賞，零落東林楓樹丹。

雪集慧眼院

寺後園陵玉樹林和歌乘興倚山陰最看不深風塵色心地從來白雪淡

鳴鶴詞為田有道壽太翁

仙翅西從崑閬來珠花長映羽儀開在陰更有雙鳴鶴相和同棲紫府臺

奉送箕山公子還濃州封邑

信陵公子大梁城車騎如雲且送行徒向夷門勞枉過老來何敢比侯生

過字此平

客中聽雨

夢裏鄉園萬里遙無端秋雨自蕭蕭誰知一夜寒林響搖落歸心更盡銷

燕山曲秋夜長

長信宮中對月明瑤階白露濕衣生不知玉漏君王夜金箭銀壺第幾聲

齊天曝錦堂秋遊得陽字

千樹丹楓九月霜開筵爛熳入高堂坐疑步障裁天錦十里相連曝夕陽

清夜曲

深宮更靜合歡床，簾外偏添五夜香。月落花開看欲曉，東風拂檻送春芳。

十樹丹酬箕山君，秋夜登樓見寄懷之作。夜月天涯百尺樓，賦成招隱桂花秋。羨君在邑王孫子，何處山中不可遊。

游仙曲裏彩雲開，春酒新醺長命杯。采藥千年多不盡，君家住在古蓬萊。

為田大心壽太孺人

酒熟春風入壽筵，君家兄弟奉親年。自今新種蟠桃樹，長見高堂阿母前。

為田大心壽太孺人

酒杯承奉喜紅顏，阿母高堂彩服斑。遙想即今稱壽處，開簾近更有南山。

送晁大夫歸小山 時令諸秀才留東學

淮南樹色自堪攀，故國叢叢倚小山。早晚待君門下客，相追更折桂枝還。

秋夜香山君奉和主人作

高館高秋夜轉清主人詩酒見交情誰知本自雲霄
近不惜開窗對月明

奉和

東叡大王天台春望

祇苑春風玉樹開紛紛飛入五雲隈 君王彩筆隨

天樂別自成花落吹臺

南郭先生文集三編卷之四

010190524359

48-13429

